

મેયર બાલેનવિરુદ્ધ અસ્તિયાર્ય મુદ્દા અમ્બુલેન્સ ન્યાયેગુલી નીતિગત ભ્રષ્ટાચાર

- लहना संवाददाता

लहना वा:पौ/सुशासनया
वकालत याना वयाच्चांम्ह यें
महानगरपालिकाया मेयर बालेन साह
विरुद्ध एम्बुलेन्स न्यायेगु इवल्य
भ्रष्टाचार या:गु धासें अखितयार
दुरुपयोग अनुसन्धान आयोगय उजुरी
ला:गु दु।

मेयर साहया प्रत्यक्ष निर्देशनय्
एम्बुलेन्स न्यायेगु इवल्य् आर्थिक
अनियमितता जूगु धासें अखितयार्य
उजुरी लाःगु खः । उजुरीइ मेयर साहया
लिसे स्वकीय सचिव भूपदेव साह व
न्यायेगु प्रक्रियाय् दुथ्याःपिं कर्मचारीतय्
कारबाही यायेमाःगु माग यानातःगु दु ।

सी-०४०५६९ दर्ता नम्बर दुगु
उजुगीइ धयातःगु दु, 'बालेन साहया
निर्देशनय् भूपदेव साहया नेतृत्वय्
पश्चिम नेपाःया पालिकायात एम्बुलेन्स
इनेगु ज्याइवः हल । उगु योजना कथं
३५ गः एम्बुलेन्स न्यायेत स्पेसिफिकेशन
दयेकेगु व लागत अनुमानया चरणय्
भ्रष्टाचार यायेगु नियत तःगु खनेदु ।'

दुर्गम जिल्लाया स्थानीय
पालिकायात एम्बुलेन्स इनेगु इवल्य
वाहवाही कमे यायेत सफल जूम्ह
मेयर साहया प्लानिङ कथं आर्थिक



अनियमितताया दृष्टान्त सहित उजुरी
ला:गु ख:। बालेनया भ्रष्टाचार्य
स्वकीय सचिव भूपदेव साहया स्वा:गु
खँ उजुरी दुष्याकात:गु दु। एम्बुलेन्स
न्यायेगु ज्या न्ह्याकेगु इवल्य कानुनया
उल्लंघन व अनियमतता जूगु दाबी
उजुरीइ यानात:गु द।

उक्तं हे स्पेसिफिकेशन दयेकेगु
व लागत अनुमान तयार याःपिं कर्मचारी

लिसे न्यायेगु प्रक्रियाय् ब्वाति काःपिं
कर्मचारी, न्यायेत कार्यदेश बिउपिं
कर्मचारी लगायत फुकसितं हद तकया
कारबाही यानाः यँ महानगरपालिकाय्
आः न्हयानाच्वंगु बालेन कुशासनया
अन्त्य यायेमाः माग नं उजुरीइ यानातःगु
द ।

भूपदेवं बोलपत्रदात अग्नि
कर्पोरिशन याके २१ मोडलया स्कार्पियो

गाडी घुस कथं कायेगु खँ पक्कापक्की जुद्धुका: व हे कथं एम्बुलेन्स न्यायेगु प्रक्रिया न्ह्याकाय्गु खँ नं उजुरीइ धयात:गु दु। उजुरी याम्हेसिया कथं बिड डकुमेन्टय् मोड अफ पेमेन्टय् फुककं सामान वयेधुंका: जक भुक्तानी जुइगु खँ च्वयात:सां नं टेण्डर त:गु कम्पनी न्हापा हे भुक्तानी जुइमा:गु शर्त तया: कानून अ:ख: ज्या या:गु खँ नं उजुरी

न्ह्यथनातःगु दु ।

खरिद ऐन, २०६३ या दफा ५२
(क) प्रतिकूल उगु ज्यां प्रतिस्पर्धा म्हो
जक जूगु उजुरीइ धयातःगु दु । उजुरी
धयातःगु दु, बिड डकुमेन्त्य भुक्तानी
लिपा जुइगु धकाः न्त्यथनातःसां नं
मेगु कम्पनीयात टेण्डर तयेत पनेगु
उदेश्यं दुगु व ज्याकू पिने जूगु सहमतिं
महानगरपालिकायात आर्थिक दायित्व
व्वलकेगु व छुं लाभ जुइगु शर्त तयाः
जूगु फर्म स्वीकृत जूगुलिं प्रतिस्पर्धा
सिमित याःगु दु, थ्व खरिद ऐनया
प्रतिकूल खः ।

उक्तं हे उजुरी बिडपिसं
सरकारी सम्पत्ति दुरुपयोग याना: यैं
महानगरपालिकायात नोकसान या:गु खँ
नं धा:गु दु । छु छु सामान हयेगु विषयसं
स्पष्ट मजुइकं बोलप्रद्रतातायात स्वीकृत
यायेगु कानुनया तप्यंक उल्लंघन जुगु
जिकिर यासैं धयात:गु दु, रेट एनलाइसि
अन्तर्गत उडिस्नल एक्सोसोरिज छु ख:
व छु छु सामान बिडरं आपूर्ति याइगु
ख: स्पष्ट मजू शुक्रथं तयेमदइगु कानुनी
व्यवस्था जुइक जुइकं तयेगु व स्वीकृत
यायेगु ज्या प्रचलित कानुनया तप्यंक
उल्लंघन ख: ।

ल्यं ७ पेजय

नमूना कलेजया १९ क्व:गु
ग्रेजुएसन फेसन शो



लहना वाःपौ/अनुकल्पित
प्रभानम् शीर्षकय् नमूना कलेज
अफ फेसन टेक्नोलजीया १९ वःगु
ग्रेजुएशन फेशन शो, क्वचाल ।
वंगु शुक्रवाः यल भूमिख्यः
स्थित द प्लाजा नेपालय् ग्वसाः
वःगु ज्याइवल्य् मौलिक परम्परा
व आधुनिकताया ल्वाकज्याःगु
ज्याइवल्य् ८८ म्ह स्नातक विद्यार्थी
थीथी डिजाइन न्ह्यब्वःगु खः ।

ज्याइवल्य फुक्क धयाथें
डिजाइनरया व्यक्तिगत दृष्टिकोण,
सृजनात्मकता व सांस्कृतिक
महत्वयात प्रतिनिधित्व याःगु दु।
फेसन शो डिजाइन व फैशनया
दृष्टिकोणं जक मखुसुं विषयवस्तु व
समकालीनता निगुलिं ल्याखँ न्हयथने
बहःजू। फेशन शोल्य नेपाःया
परम्परागत कला व सांस्कृतिक
त्यं ७ पेजय





नेवा: राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे ज: जुया धुन लुइ धुन
ह्यांगु भुमिइ अष्टमण्डल ह्यांगु चा: दुने थी नगु
भीगु नेवा: ध्वाँय् थ्व हे ख: ज्यान भी सकस्यां छगू
जातितय् स्वायत्त राज्यं लुइ कर्पं च्वय् भिलिमिलिं
राष्ट्र भ:भ: धाय्क न्ह्याके भीगु च:तिं भीगु हिं

सम्पादकीय



सञ्चार ख्यलय् या:गु आक्रमण निन्दनीय

लोकतन्त्रय् सतकय् प्रदर्शन यायेगु स्वाभाविक कथं कायेमा:। तर प्रदर्शनकारीतय्स प्रदर्शन याना: निजी छँय् मिं तयेगु व पसलय् लुटे यायेगु बालगु ज्या मखु। जुजुवादीतय्स विरोध प्रदर्शनय् तीनकुने व ज:ख: लाग्ना नियन्त्रणय् का:गु ख:। राज्यं विरोधया नामय् गैरकानुनी गतिविधि याइपिंत कारवाही यायेगु प्रक्रिया न्ह्याकेधुंकूगु दु। तर प्यद्व: प्यद्व: मनूत सतकय् कुहां वल धका: राज्य असहाय जुइगु स्वभाविक मखु। उकिं शुक्रवा:या घटनाय् सुरक्षा संयन्त्रया मूल्यांकन व तयारीइ दुगु कमजोरीयात कया: समीक्षा व सुधार जुइगु अपेक्षा या:गु दु।

जुजुवादी प्रदर्शनय् छम्ह पत्रकारलिसें निम्हेसिया ज्यान वन। जडिबुटी उत्पादन व प्रशोधन कम्पनी लिमिटेडय् मिं त:गु दु। कान्तिपुर मिडिया व अन्नपूर्ण पोष्टया ज्याकुथिइ आक्रमण या:गु ख:। अथे हे हिमालय टेलिभिजनया गाडीइ तोडफोड नाप अनलाइनखबरया छम्ह पत्रकारयात नं घा:पा: यानाब्यूगु दु। भाटभटेनी सुपरमार्केटय् लुटपाट जूगु दु। एकीकृत समाजवादी पार्टीया पार्टी ज्याकू तोडफोड याना: मिं त:गु ख:। निजी छँ, सवारी साधन, व सार्वजनिक सम्पत्ति च्यात। मिं स्यायेत वंगु दमकल तकं तोडफोड या:गु दु। प्रहरीं प्रदर्शनकारीतय्स १२ थासय् मिं त:गु व निजी व सरकारी १८ गू भवनय् तोडफोड या:गु धा:गु दु। सुरक्षा विज्ञतय्स राजवादी व उमिगु कमाण्डरतय्गु स्वभावया मूल्यांकन याना: तयारी या:गु जूसा थ्व क्षति म्हो यायेफइगु व भविष्यया निंतिं पाठया रुपय् थ्व घटनाया समीक्षा यायेमा:गु आवश्यक जूगु टिप्पणी या:गु दु।

आन्दोलनकारीत गुलि वयेफु, उमिगु तयारी, उमित संयम मया:सा उमिसं गुलि क्षति यायेफु धइगु बारे पर्याप्त गुप्तचर व विश्लेषण मज्गु खनेदत। स्थिति तच्चयेधुंका: नं थुकियात नियन्त्रणय् तयेगु निंतिं तत्काल निर्णय यायेमा:गु रणनीतिया लिसें थुकिया सम्बन्धय् सुचं व समन्वयया प्रवाहय् नं सुरक्षाक:मि असफल जूगु खनेदत। उकिं विरोध प्रदर्शन अस्तव्यस्त जुजुं वनेवं संवेदनशील क्षेत्रया सुरक्षा नं कमजोर जुयावंगु खनेदु। उकिं हे विमानस्थल थेंज्या:गु संवेदनशील थासय् मिं तयेगु ज्याय् जुजुवादीत ता: ला:गु दु।

प्रदर्शन ज्याभ्व: या:पिनिगु मिखा सञ्चार ख्य: खनेदुगु दु। रिपोर्टिङ यानाच्चम्ह पत्रकार सुरेश रजक प्रदर्शनकारीतय्स त:गु मिं लाना ज्यान वंकेमाल। अथे हे हिमालय टेलिभिजनया गाडीइ तोडफोड यानाब्यूगु ख:। नेपालय् थ्व हे न्हापागु घटना जूगु दु। आन्दोलन जूगु इलय् आन्दोलनकारीतय्स थथे सञ्चार ख्यलय् आक्रमण या:गु थ्व न्हापांगु घटना ख:।

आन्दोलनया नामय् विद्यार्थीया भविष्यय् म्हितेगु गलत



दिलीप शाही “शान्तिचञ्जु”

देय्न्यंकंया शिक्षकत यँय् वया: आन्दोलन यानाच्चंगु दु। शिक्षकतय् आन्दोलनया कारणं याना: एसईईया लिच्च: तकं प्रभावित जुइगु खँ सार्वजनिक जुयाच्चंगु दु। शिक्षकतय्स यानाच्चंगु आन्दोलन धइगु मूलत: थ:त राजनीतिक रुपं अधिकारया निंतिं ख: धका: धायेगु यानाच्चंगु दु। तर शिक्षकतय् आन्दोलन मुक्कं शिक्षकया हकीकत स्वयां नं राजनीतिक रुपं प्रेरित जुयाच्चंगु दु। नेपा:या संविधानं शिक्षकतय् गुरुं नं कथंया ट्रेड युनियनं दुमथ्याकेगु धका: व्यवस्था या:गु ख:। अथे धइगु थीथी राजनीतिक पार्टीया भातृ संगठन कथं शिक्षकतय् संगठन नीस्वने मद्दु धका: धा:गु ख:। तर शिक्षकतय्स थ्वहे मुद्दायात कया: आ: आन्दोलन यानाच्चंगु दु। वर्तमान व्यवस्था कथं शिक्षकत स्थानीय तह अन्तर्गत च्वनेमा:गु अवस्था ख:। अभ्र धायेगु ख:सा वडा अध्यक्षतय् मातहत च्वनेमा:गु अवस्था ख:। तर थ्व अवस्थायात धा:सा शिक्षकतय्स ययेकाच्चंगु मद्दु। विशेष याना: स्थानीय तह अन्तर्गत थ:पिं च्वनेत शिक्षकत तयार जुयाच्चंगु मद्दु। वर्तमान संविधान कथं शिक्षकत महासंघ दयेका: उकीया दुज: जुइ फइ। तर, छुं नं कथंया राजनीतिक पार्टीया भातृ संगठन जुइ फइमखु। थ्वहे कारणं याना: शिक्षकतय्स आन्दोलन याना वयाच्चंगु दु।

न्हापा न्हापा शिक्षकत थीथी राजनीतिक पार्टीइ आवद्ध जुइगु कारणं याना: थीथी थासय् सरुवा बढुवा जुइगु निंतिं राजनीतिक रुपं लबिङ यायेगु ज्या यानाच्चंगु ख:। तर आ: शिक्षकत स्थानीय तह अन्तर्गत वयेवं उकथंया राजनीतिक लबिङ याये मद्दुगु जक मखुसँ थ:पिनिगु चलखेल तकं याये फइगु अवस्था मदयेवं शिक्षकतय्स थ्व आन्दोलन याना वयाच्चंगु ख: धका: धायेत लिफ: स्वयेमा:गु अवस्था मद्दु। संविधानया व्यवस्था कथं शिक्षकतय्स ट्रेड युनियन चायेके दइमखु जक धा:गु ख:। तर शिक्षकत धा:सा अज्या:गु ट्रेड युनियन चायेकेमा: धका: लबिङ यानाच्चंगु दु। अभ्र धायेगु ख:सा थ:पिंत नं राजनीतिक रुपय् सक्रिय जुइमा: धका: धायेगु यानाच्चंगु दु। थ्व धइगु शिक्षकत राजनीतिक रुपं ब्यागलं च्वनेमा: धका: जुयाच्चंगु मागया अ:ख: ख:। नेपालय् हरेक संघसंस्थाय् राजनीतिक रंग जुयाच्चंगु कारणं याना: उकियात चीकेमा:गु माग नं अप्वया वनाच्चंगु दु। उकियात हे महसुस याना: संविधान च्वयेगु इवलय् शिक्षकतय्स राजनीतिक पार्टीया भातृ संगठन थें ट्रेड युनियन चायेके दइमखु धका: धा:गु ख:। तर शिक्षकतय् माग धा:सा ट्रेड

युनियन चायेकेगुलिं जुयाच्चंगुया लिउने मेता कारण मखु राजनीतिक कारण हे ख: धका: धायेमा:गु अवस्था दु।

अभ्र धायेगु ख:सा शिक्षकतय्स तप्यंक राजनीति यानाच्चंगु कारणं याना: नेपा:या शैक्षिक अवस्था अस्तव्यस्त जुयाच्चन धका: धायेगु यानाच्चंगु जक मखु। नेपा:या फुक्कं धयाथें सरकारी विद्यालय लथालिङ जुयाच्चंगु ख:। गुकिं याना: विद्यार्थीतय् भविष्य तकं लिच्च: ला:गु ख:। अभ्र धायेगु ख:सा आपालं विद्यार्थीत सरकारी स्कुल त्व:ता: निजी स्कुलय् ब्वनेमा:गु अवस्था

प्रभावित जुइगु निश्चित जूगु दु। अले देय्वा भविष्यया कर्णधार धाइपिं विद्यार्थीया भविष्य हे खेलवाड यायेगु शिक्षक महासंघया ज्या पक्का नं पाय् छि धका: धायेफइगु अवस्था मद्दु। छा्य धा:सा विद्यार्थीया शैक्षिक सत्रया इलय् भर्ना जुइ मफुत धा:सा उकिया लिच्च: लिपातकं लाइगु निश्चित दु। गुकिं याना: विद्यार्थी इलय् भर्ना जुइ मफया: विदेश पलायन जुइत बाध्य जुइसा मेता खँ धइगु देय्वा सम्पत्ति नं विदेशय् पलायन जुइ। गुकिया लिच्च: कथं नेपा:या अर्थतन्त्रयात हे डाँवाडोल याइगु सम्भावना आपालं दु।



न्हापा न्हापा शिक्षकत थीथी राजनीतिक पार्टीइ आवद्ध जुइगु कारणं याना: थीथी थासय् सरुवा बढुवा जुइगु निंतिं राजनीतिक रुपं लबिङ यायेगु ज्या यानाच्चंगु ख:। तर आ: शिक्षकत स्थानीय तह अन्तर्गत वयेवं उकथंया राजनीतिक लबिङ याये मद्दुगु जक मखुसँ थ:पिनिगु चलखेल तकं याये फइगु अवस्था मदयेवं शिक्षकतय्स थ्व आन्दोलन याना वयाच्चंगु ख: धका: धायेत लिफ: स्वयेमा:गु अवस्था मद्दु।

व:गु कारण धइगु हे सरकारी विद्यालय शिक्षकतय्स यानाच्चंगु राजनीति ख:। शिक्षकत राजनीतिक रुपय् तप्यंक संलग्न जुइवं थीथी कथंया राजनीतिक फाइदा कायेगु नं यानाच्चंगु ख:। तर आ: वया: शिक्षकतय्स अज्या:गु राजनीतिक लाभ काये खनाच्चंगु मद्दु। थुकिं शिक्षकतय् आन्दोलनया दुनेया खँ छु ख: धका: स्पष्ट याना बिउगु दु। संविधानया अनुसूची ८ सँ शिक्षकत स्थानीय तहलय् लिकुनाच्चंगु दु। उकथं स्थानीय तहलय् लिकुनेबलय् थ:पिंत राजनीतिक रुपं वयेमा:गु छुं नं कथंया लब: मवइगु जुया: हे आ: उकियात हिकेमा:गु माग शिक्षकतय्स यानाच्चंगु दु। थ्व धइगु छगू कथं संविधानया अ:ख: ज्या आ: शिक्षकतय्स यानाच्चंगु माग ख:। शिक्षकतय् ज्या राजनीतिक यायेगु मखु विद्यार्थीतय् ब्वंकेगु ख: धका: न्हापा नं चर्चा जुइगु या:। अले वहे कथं संविधानय् व्यवस्था जूगु ख:। तर आ: वया: शिक्षकतय्स यानाच्चंगु आन्दोलनया कारणं आपालं विद्यार्थीया भविष्य बर्बाद जक जुइगु मखु ला धइगु न्ह्यस: ब्वलनाच्चंगु दु।

आन्दोलनया इवलय् शिक्षकतय्स थ:पिनिगु माग पूम्वनिगु ख:सा एसईईया कापी जाँच तकं मयायेगु धका: धयाच्चंगु दु। इलय् कापी जाँच यायेगु ज्या मजुल धा:सा क्व:छिनात:गु इलय् उकिया लिच्च: पिथनेत समस्या जुइ। गुकिं याना: विद्यार्थीया भविष्य

मेता खँ धइगु शिक्षकतय्स संविधानया गुरु व्यवस्था दुने च्वने मखु धयाच्चंगु दु। थ्व नं तसकं गलत ख:। संविधानं हे शिक्षकतय् ट्रेड युनियन चायेकेगु अवसर बियात:गु मद्दु। तर वहे संविधानय् मद्दुगु व्यवस्था माल धका: शिक्षकतय्स आन्दोलन यानाच्चंगु दु। अले मेता खँ धइगु शिक्षकतय् माग सम्बोधन यायेगु हे ख:सां नं दकलय् न्हापां संविधान संशोधन यायेमा:। थुक्थं संविधान संशोधन यायेगु निंतिं नं म्होतिं नं सदनया निगू तिहाइ बहुमत मा:। छुवे संविधान संशोधन मयासँ शिक्षकतय् माग पूर्वके फइगु अवस्था मद्दुसा मेखे अज्या:गु अवस्था मद्दुगु इलय् शिक्षकतय्स यानाच्चंगु औचित्ययात कया: हे नं न्ह्यस: ब्वलनिगु स्वाभाविक ख:। अथे जुया: वर्तमान अवस्थाय् शिक्षकतय्स यायेमा:गु ज्या धइगु गुरुं नं कथंया कापी जाँच मयायेगु गुरु निर्णय दु थुकियात तत्काल दिकेमा:। मेता राजनीतिक रुपं अधिकार कायेगु खँ गुरु नं यदि धाथें थ:पिं राजनीति रुपय् न्ह्या:वनेगु ख:सा शिक्षण थेंज्या:गु पवित्र पेशा त्व:ता: राजनीति हे या:सा दकलय् बांला:गु लैपु जुइ। आन्दोलनया नामय् विद्यार्थीया भविष्यय् लिच्च: लाकेगु शिक्षकतय् आन्दोलन उचित मखु। ख: बरु सरकारयात दबाव बिया: संविधान संशोधनपाखे न्ह्या: वनेगु पाय्छिगु लैपु जुइफु।

खाइसंल्हू, सपन तीर्थ व बिस्का:जात्रा



પ્રેમમાન ડંગોલ

वास्तवय् राजकुमारीया

व्हासं छज्वः नाग व

नागिनी पिहां वया:

उद्यानापुरसे त्वंरह

अजिंठार जुया:

राजकुमारीया भाःत

जुइवहेसित स्याइगु

जुयाटवन । तर उरुह

शिकारी राजकुमार

चान्हय् धनाटवरह

राजकुमारीया व्हासं

पिहावःपि नागनागिनी

लिपा अजिंठार जूषित

स्याः गुलिं व थः

मासत । व ह सिप

नाग नागनाथात

दय् चाःहाकूगु दियति

लुमकाः दय्दस बिस्काः

ਜਾਤ੍ਰਾ ਸੰਦੇਸ਼ਾਕ੍ਰਮੁ ਸ੍ਵ:

ધાઈ ।

खाइसलहू

नेवाःतयसं नेपाल संवत् कथं
अर्थात् चन्द्रमास तिथि कथं हना
वयाच्वंगु थीथी नखःचखः दुसां खाइ
सल्हू धाःसा विक्रम संवत् कथं अर्थात्
सौर्यमास कथं बैशाख महिनाया सल्हू
कुन्हु हनेगु याइ । थ्वकुन्हु अर्थात् वैशाख
संक्रान्ति कुन्हु नेवाःतयसं खाइसल्हू
हनेगु इवल्य् खाइ क्वाति त्वनी । थ्व
सल्हूयात मेष संक्रान्ति नं धाइ । फिनिगू
महिनाया न्हापांगु महिना कथं वैशाख व
फिनिगू राशी मध्ये न्हापांगु राशी कथं मेष
राशीयात कयातःगुलिं नं थ्व महिनाया
सल्हूयात मेष संक्रान्ति धाइगु खः । भी
नेवाःतयसं धाःसा थ्व सल्हूयात खाइ
सल्हू कथं हना वयाच्वंगु दु । थ्वकुन्हु
खाइ सल्हू हनेगु धकाः थीथी कथंया
वासःया गुण दुगु बूबः व बाउँचा तत्कारी
तयाः खाइ क्वाति दायेकाः त्वनेगु चलन
दु । थथे त्वनिगु खाइ क्वातिइ कुनःबु,
खाइवःसिया चुलि, खाइच्चःचा, तम्वःव
चिक्वःगु कय्गु, नीहः, जैसी, लैया
बुँ, लैसु, सियातःगु जाकि चुं, प्याज,
छाःचा व थीथी कथंया बाउँचा नं तयाः
दायेकातःगु दइ ।

बौद्ध योगतन्त्र कथं तथे खाइ
क्वाति दयेकाः त्वनेव दछियंक् भीगु
म्हय् दयाच्चर्पिं हानिकारक कीत
मिनावनीगु व अज्याःपिं की मदाइ
व प्वाः सफा जुयाः थीथी ल्वच बचे
जुइगु जुयाः खाइ क्वाति त्वनेगु चलन
दुगु खः । थ्व ई धयागु अर्थात् वैशाख
महिनाया ई तच्चक् तांन्वइग ई जुगुलिं
थीथी कथंया ल्वचं नं कइगु जुगुलि तथे
खाइ क्वाति त्वनेगु चलन भी पुर्खातय्स
दयेकातःगु खः । तर थ्व चलन आः
वया यक्व थासय् मदयेधुंकल ।
थज्याःगु प्राकृतिक तरिका छ्यलेगु
पलेसा थौकन्हय् न्ह्यागु जूसां प्वाः
स्याःसां, कपाः स्याःसां डाक्टर क्यनाः
वासः नयेगु चलन दयेधुंकल ।

सपन तीर्थ व तोखाय् बिस्का:

तोखाय सपन तीर्थ व बिस्काः
जात्रा हनेगु इवल्य दैय्दसं चैत्र मसान्त
कुन्हुनिंसं बैशाख ४ गते तक थीथी
कथंया जात्रा यायेगु चलन दु। तोखाय
बिस्काः जात्रा ३२ हाकःगु यःसिं
थनेधुंकाः सुरु जुइ। सपन गणेद्यः,
च्वय गणेद्यः, क्वय गणेद्यः, पीगंद्यः
(मसानकाली), इन्द्रायणी, चण्डेश्वरी व
महाद्यःया खः जात्रा याइ। चैत्र मसान्त
कुन्हु स्विनिगःया प्यखे दुगु धिनाच्च
(शिवपुरी) डाँडाय् चा च्वनाः सुथ न्हापां
बागद्वारय् म्वः ल्हुयाः न्ह्यु दै वैशाख १



गते तोखाय सपन तीर्थय म्वः ल्हुइवं पाप
नष्ट जुयाः पुण्य चूलांगु जनविश्वास
दु। सपन तीर्थय म्वः ल्हुइगु विषयय
न्यनेदुगु किंवदन्ती कथं परापूर्वकालय
सत्त्वन्त जुजुया न्हयम्ह म्हाय्य मध्ये
खुम्हेसिया इहिपा जुइधुंकाः दकल
चीधिकःम्ह म्हाय्य केशरीमैया अबु
गगे धाल अथे हे इहिपा याये धाइ।
जुजु ख्याः यानाः धाइ, “अथे जूसा
छन्त हुंकन फल्चाय च्वंम्ह महारोगी
नापं इहिपा याना बी का मजिउ ला ?”
म्हाय्यम्ह नं जिउ धकाः लिसः बी।
जुजुया म्हुतुं पिज्वःगु खँयात पाकेगु ला
खँ हे मतं। उकिसनं म्हाय्य केशरीमैयां
हे जिउ धाये धुनेवं सुया छु लगे जुइ ?
अथेजुयाः जुजु व हे महारोगी नापं थः
म्हाय्य राजकुमारीया इहिपा याना बी।
इहिपा धुंकाः छगु न्हूगु दयेकुगुः बल्चाय
उपिं निम्हातिपु च्वनी। छन्हु छम्ह सा
जवालं थःगु न्यातालय जूवःम्ह बुइचा
ज्वनाः ल्हाःतुति त्वःथुलाः सपन
तीर्थय वांछवया बी तर आश्चर्य व
बुइचिया मदयेधुंकुगु ल्हाः तुति दयावयाः
न्यासि वंगु खनेदइ। थज्याःगु ज्याखं
स्वयाच्वंम्ह व हे महारोगी सपन तीर्थय
वनाः म्वःल्हूबलय अतिकं वांलाःम्ह
ल्याय्म्ह जुयावइ। थ्व हे इलनिसें
सपन तीर्थय म्वःल्हुइगु मेला न्ह्याःगु
खः धाइ। राजकुमारी केशरीमैयां थः
भाःतया रोग मुक्त याना विउगु सपन
तीर्थय सपन विनायक गणेद्यः स्थापना
यानातःगु दु।

सपन तीर्थं म्वःल्हुइगु मेला
क्वचायेवं तोखा देय्या रक्षाया लागी
पलिस्था यानातःम्ह मसानकाली पीगं
द्यःयात पुज्यायेगु इवलत् गुलि नं
अन्न थ्व धर्तीइ बूगु वः फुक्कं अर्थात
१०८ ता अन्न, म्वाःम्ह छज्वः न्या,
ताहा, बखुं व हाकुम्ह दुगु नापं ह्वाना
ह्वाना च्यानाच्वंगु मिइ होम यानाः यज्ञ

याइ । थथे होम याइबलय् देशय् गुंगुं नं
कथंया पंगः व प्रलय वइ मखु धयागु
जनविश्वास दु ।

तोखाया लाछि त्वाल्य् यःसिं
थनाः न्ह्याकीगु बिस्का जात्राया छ्मू
किंवदन्ती न्यनेदु । तोखाय् च्वपिं
सन्ध्या इलय् मसानकालीइ भाख्यः
थ्यन कि द्यःनापं मिखा त्वाकाः
वनीगु व मृत्यु जुइगु जुयाच्चन ।
थज्याःगु ग्यानापुगु घटनां बचे जुइत
यैया तान्त्रिक नाप सहलह याःबलय्
व तान्त्रिक कालीया छ्युनय् सि स्वया
बी धकाः ह्ययेकाः छ्यननिसें बैय् तक
गाडे जुइकथं की ताना बी । अले व
कालीयात स्थिर यानातयेत कर्माचार्य
पुजारी दैय्दसं थज्याःगु पुजा व जात्रा
न्ह्याकूगु खः धाइ । तोखाया बिस्काः
मस्तय्त मरःजा नकेगु याइसा ३ गते
सिन्हःयाया नामय् द्यःतय् खः जात्रा
व ४ गते मू जात्रा यानाः पासाभाइ,
इष्टमित्रपिंपत ब्वनाः भ्वय् नकेगु याइसा
५ गते थःने थनातःगु यःसिं क्वथलाः
जात्रा क्वचायेकी ।

खवपय् बिस्काः जात्रा

खुय दैयदसं हना वयाच्चंगं
बिस्काः जात्रां सौर्यमास व विक्रम
संवतया गते कथं हनीगु खः।
चैत्र मसान्तकुह यःसिं थनेगु व वैशाख
संत्हु कुह क्वथलेगु याइ। यःसिं
थनेगु व क्वःथलेगु जात्रा स्वल्धाःसा
दुःख तनावनी व शत्रु नाश जुइ धयागु
जर्नावश्वास दु।

बिस्का: जात्राय य:सिं
थनेगु बारे न्यनेदुगु किंवदन्ती कथ
खवप देय्या राजकुमारी नापं इहिपा
या:हेसित राजगद्दी बीगु प्रस्ताव जुजुं
त:गु जुयाच्चन ।

इहिपाः याःपिं यक्व मिजंत
 न्हापांगु चाय् हे सीगु जुयाच्चन।
 थुकिया हे इवलम् मेगु देय्या छम्ह

राजकुमार चाः हिहिउँ जंगलय् शिकार
मिहता च्वंबलय् जुजुया उजं सीकाः
राजकुमारीलिसें इहिपा याइ। तर
उम्ह शिकारी धाःसा मसी। वास्तवय्
राजकुमारीया न्हासं छज्वः नाग व
नागिनी पिहां वयाः ग्यानापुसे च्वंम्ह
अजिंगर जुयाः राजकुमारीया भाःत
जुइम्हेसित स्याइगु जुयाच्चन। तर
उम्ह शिकारी राजकुमारं चान्हय्
छनाच्चम्ह राजकुमारीया न्हासं
पिहांवःपिं नागनागिनी लिपा अजिंगर
जूपित स्याःगुलिं व थः मसित। व हे
सिपिं नाग नागिनीयात देय् चाःहीकूगु
दिंयात लुमंकाः दैय्दसं बिस्काः जात्रा
न्त्याकूगु खः धाइ।

वैशाख संल्हूया प्यन्हु न्ह्यःनिसें
न्ह्याइगु व च्याचा गुन्हु बिक हनीगु
बिस्काः जात्राय् न्हापांगु दिं भैलःद्यः
व भद्रकालीया खः तौमढीं थःनेया
पिसं थःगु लागय् साले फःसा क्वाःछें,
साकोला, दुस्त्वं द्यः, सुकुध्वाखा,
गोलमढी, इनाचा, दत्तात्रय तक साला
यंकी। हाकनं तौमढीइ लित हइ।
अथे तुं क्वःनेया पिसं साले फत
धाःसा वालुचा, नासंना, वंशगोपाल,
तेखापुखू थ्यंकाः तौमढीइ हे लित
हइ। थथे सालाः हःगु निगुलिं रथ
तौमढीया दक्षिणपाखे च्वंगु गाःहिंति
त्वाल्य् दिकाः न्हापांगु दिंया जात्रा
क्वचायेकी। निन्हु कुन्हु भद्रकालीया
रथ गाःहिंतिया खाल्वः त्वाःया अजिमा
द्यः छैय् यंकी। स्वन्तु कुन्हु गाःहिंतिइ
भैलः द्यःयात बलि बिायाः गुथि संस्थानं
सरकारी पूजा याइ। थ्व बलि पूजाया
ला प्रसाद कथं लाकुलाख्यापित इना
बी। उकियात स्याक्वत्पाक्व धाइ।
बिस्काः जात्राया निंतिं थ्यंमथ्य ११
लाख दां गुथि संस्थानं खर्च याइ अलें
स्थानीय गुथितय्सं भ्वय् न्यायेकाः थःगु
परम्परा ल्यंकाच्वंगु दु।







ब्यथा



रेणु श्रेष्ठ

ज्याकुथिइ दुम्ह रमेशयात आकाभाका मोबाइलय सूचं वल, काय यात प्वाः स्याना अस्पतालय रका च्वनागु दु याकनं वा धकाः ।

हंसं थाय् त्वःतुम्ह रमेशं पठाउ सःताः अस्पतालया इर्मजेन्सी थ्यंकः वन । काय्म्ह प्वाः स्याना वाथावाथा कनाच्वन । रमेशं स्वयं मफुत काय्या अवस्था । इर्मजेन्सी वार्डय् डाक्टरतय् अतापता दुगु मखु । मचाया मां मचा नापनापं ख्वयाच्वन । मेपिं छैं जःपिं मुग्मुरय् जुयाच्वन थनया डाक्टर ग्वः ? थनया डाक्टर गन वन ग्वः धाधां इरुथुरु जुयाच्वन ।

बल्ल तल्लं डाक्टर थ्यंकः वल । सकस्यां छप्वाः म्हुतुं आक्रोशया मिखां स्वयाः डाक्टरयात धयाच्वन “थ्व डाक्टरया लाथःकाय्यात थथे जूसा सिइका डाक्टर न्वनि मवाःसे



वार्डय् दुहां वन । मचाया अवस्था स्वयाः चेक यायेमाःगु सकतां चेक यात । मचाया Appendicite जुल धइगु क्वःजिल ।

तुरुन्त मचायात अपरेशन याना छ्वत ।

अपरेशन थिएटर पिहां वम्ह डाक्टरं रमेशयात “अपरेशन बांलाक क्वचाल धन्दा कयादी म्वाः छिपिनि काय् आः खतरांमुक्त दु ।” धाधां ल्हाः सिलाः डाक्टर अनं वनाः छ्वत ।

डाक्टरया खँ न्यनाः स्वकू हाकः सासः थहां वम्ह रमेशं खापाया प्वालं सां थः काय्या ख्वाः छकः स्वःवन । फहिलाः डाक्टरयात सुभाय् बिइ धकाः माःमाः जुल तर म्हु ।

रमेशयात तं पिहां वल “गुलि तःधंम्ह थ्व डाक्टर पलख हे च्वने मलाःम्ह” धाधां रमेशं अनयापिं नर्सतय्के न्यं वन “मखु थ्व डाक्टरया गुलि लिमलाःगु ? क्लिनिकय् ध्यबा छापे याये दु जि ग्वः डाक्टर हाकनं गन थ्यन ?”

रमेशया न्ह्यसः बैय् लाय् मलायेवं नर्स लिसः बिल “दाजु, डाक्टर ला थः काय्या अन्तिम संस्कार यायेत घाटय् भाये धुकल । वय्कःया काय्या Accident जुया मदय् धुकल । घाटय् वय्कःयात जक पियाच्वंगु हँ । नर्सया खँ न्यना रमेश नापनापं मेपिं छैं जःपिं ग्लानिया मिखां वं वइत वं वइत स्वया च्वन ।

न्हूदँया सत्य खँ



न्हूदँया उपलक्षय् त्वालय् च्वंगु क्लबया नच्चा ल्याय्म्हपिसं ध्यबा प्वना हयाः दयेकूगु अय्लाः व बियरया विज्ञापन दुगु वातावरणयात मनिंगु फ्लेक्शया तुल खायातल थाय् थासय्



आर. मानन्धर

रंग ब्वःगु आखलय् च्वयातल उकी भिन्तुनाया छुं छुं खँपु भायलचनं हिस्यानाच्वंगु

सत्तिक वनाः स्वयां खन उकी— सालया अन्तिम ल्याः छगः जक देतनाः न्हूगु पर्कातःगु !

थ्व धात्ये नं सत्य खः— न्हूदँय् न्हू धायेगु थुलि हे ला खः !

जेल सजाय



डा. रीना तुलाधर

तःधंगु आमसभाय् नेताजीपिसं पालंपाः भाषण यानाच्वन । थी थी पार्टीया महासचिव, पार्टीया सभापति, प्रदेश मन्त्री, मुख्यमन्त्री, पूर्व प्रधानमन्त्री, प्रधानमन्त्री आदि छम्ह छम्हेसियां भाषण यात । वं वयात कुं खिनेगु, वं वयात ध्याचू नकेगु, आरोप प्रत्यारोप यायेगु जुयाच्वन । तर अजूचायापुगु छ्मू खँ । छता खँय् धाःसा सकल नेतापिनिगु धापू दुरुस्त हे ज्वःलाः । व खः इमिगु जेल सजायया बयान ।

थःथःगु राजनीतिक जीवनय् इमिसं भोगे यायेमाःगु जेलनेलया बयान यायेगु इमिसं तोमफिकू । जिं २७ वर्ष जेलनेल नया, जि २३ वर्ष जेल भोगे याना, जि परिवारनापं १७ दँ बायाच्वना.... । भाषणया दथुइ दथुइ नेतापिसं जेलनेलया बयान



याना हयेवं न्यनाच्वपिसं लापा थाना हइगु । जनतायापाखें विश्वास कायेगु नेतापिनिगु थ्व छ्मू रणनीति हे जुयाच्वन खनी ।

अबलय् लाकक भाषण न्यनाच्वपिं मध्ये छम्ह मनु दनावल । नेताजीपिं च्वनाच्वंथाय् डायसय् हे मयासे थाहां वन । वं ज्याभ्रवः न्ह्याकामिया थाय् वनाः धाः वन “जि नं थःगु जेल सजायया बयान याये”

ज्याभ्रवः न्ह्याकामिं वयाके न्यन “छि छु पार्टीयाम्ह ?”

अनथाय् न्यनामिपिनि पुचलं मनूत हालाहःगु तायेदत “थ्व मनू ला खँ खः, लुटेरा खः, फटाहा खः, जेल सजाय भोगे यानाः पिहां वःम्ह अपराधी खः”

ज्याभ्रवः न्ह्याकामिं छुं धाये मलाःनि व मनुखं माइक लाका कयाः तसलं नवात —

“खः जि खँ खः, फटाहा खः, लुटेरा खः, बेइमान खः, जालसाजीइ अब्बलम्ह खः । तर थन जिगु छ्मू खँ जक न्यना बियादिसँ । स्वयादिसँ जि व

नेताजिपिं छुकिंसं मपाः । जि नं नेताजिपिं सरह खः । पाःगु थुलि हे कि जि खुँज्या यायेधुंकाः जेल वनाम्ह । नेताजिपिं खुँज्या याये न्ह्यवः जेल वीपिं । जेलं पिहां वयेधुंकाः इपिं नं एक से एक खँ मखु ला । दाखुं मखु ला । जनतायागु हिचःतिं पुलाच्वंगु कर लुटेराना च्वीपिं लुटेरा मखु ला । जनतायात ध्वं लाइपिं फताहा मखु ला । उलि जक ला देशयात बरः तयेमाःसां लिफः मस्वइपिं अपराधीत मखु ला । इपिं अपराधीपिनिगु जेल सजायया बयान जक न्यनेगु मखुजिपिं अपराधीपिनिगु जेल सजाय बयान नं न्यनेमाल.....”

न्यनामिपिपाखें गुइँगाइँ हाःसः वल, लापा थाः सःवल, स्वीं स्वीं स्वीर पूगु सः वल..... । आमसभाय् इगःमिगः जुल ।

हरेक मंगलवार
राष्ट्रियताको लागि समर्पित



मेरो साप्ताहिक

मेरो साप्ताहिक Mero Saptahik

मालाः मालाः ब्वनादिसँ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ्ग पनि गरिन्छ ।

बसन्त उत्सव ज्याइवलय् दाफा गुरूयात हन



लहना वाःपौ/ किपू संगीत प्रतिष्ठान व नेपालभाषा एकेडेमीया मंकाः ग्वसालय् शनिवाः वसन्त उत्सव ज्याभूव जुल । नेपालभाषा एकेडेमी, न्यामासिमा किपूया हलय् जूगु थ्व ज्याभूवः निक्वःखुसी याःगु खः ।

संगीत खलय् न्हू प्रतिभायात पिब्वयेगु ताः तयाः नीस्वनातःगु प्रतिष्ठानं थगुनेया वसन्त ऋतुया भ्नाःलय् न्हापांगु वसन्त उत्सव ज्याभूवः याःगु खः । दच्छिया दुने दइगु खुगू ऋतुया खुथिइ हे संगीतया रस दइगु मध्ये वसन्त ऋतुया रस अभ्

बिस्कं हे च्वन्त्याः ।

कलाकार ज्ञानेश्वर “निभाः”जुं वसन्तया म्ये हालः न्ह्याःगु थुगुसिया ज्याभूवलय् डा. मोहन शोभा महर्जन, काव्या महर्जन, गुज्ये मालाकार, वीरप्रसाद भन्सारी, नरेनमान महर्जन, सत्यनारायण मानन्धर, रिता महर्जन, कृष्णहरि महर्जनपिसं थःथःगु म्यै हालः न्यंकादीगु खः ।

अथे हे मचा कालाकारपिं अग्रिता महर्जन व अग्रिमा महर्जन वसन्तया हे म्ये हुला प्याखें हुलादीगु ज्याभूवलय् कलाकारपिं, कोमल

कैलियपू, सुरेन्द्र श्रेष्ठ, रफेला महर्जन, राजेन्द्र श्रेष्ठ, राजेश महर्जन, सरिता महर्जन, रामकृष्ण खड्गी, कृष्णभक्त महर्जन, सतिश महर्जन व यमन श्रेष्ठ थःथःगु म्ये न्यकादीगु खः ।

ज्याभूवलय् किपू नगरपालिका वडा नं. ५, पाँगा महाब्वया दाफा गुरू ललितकृष्ण महर्जनयात दोसल्ला न्ययेका हनापौ देछासैं हंगु खः । दाफा गुरू महर्जनं थीथी थासय् दाफा स्यनाः, दाफा संगीतयात च्वन्त्याकादीगुलिं वय्कःयात कदर यासैं हंगु खः । दाफा गुरू महर्जनयात नेपालभाषा एकेडेिकिया ल्यूड्याञ्जे राजेन्द्र कुमार पुता, दांभरि वीरप्रसाद भन्सारीलिसें प्रतिष्ठानया नायः हरिशरण सायूमि व सकल पदाधिकारीपिसं हनादीगु खः ।

प्रतिष्ठानया नायः हरिशरण सायूमिलिसैं सकल पदाधिकारीपिसं लसकुस यानादीगु थुगु ज्याभूवः नेपालभाषा एकेडेमिया दांभरि वीरप्रसाद भन्सारीया सभापतित्वय् जूगु खः ।

ज्ञानमालाया विकासय् राज्यं ग्वाहालि यायेमाः

लहना वाःपौ/ नेपाल राष्ट्रिय ज्ञानमाला समितिं देय्न्यंकया ज्ञानमाला भजन संघया विकासया नितिं स्वंगुलिं तहया सरकारं ग्वाहालि यायेमाःगु माग याःगु दु ।

यैय् क्वचाःगु समितिया ३० क्वःगु दै मुँज्यां उगु माग याःगु खः । ज्याइवलय् समितिया केन्द्रीय अध्यक्ष रमना श्रेष्ठ बुद्ध जन्मभूमी नेपालय् बुद्ध शिक्षायात म्ये संगीतया माध्यमं देय्ना कुंकुलामय् न्यंकेत ज्ञानमाला संघया महत्वपूर्ण भूमिका दुगु खँ न्ह्यथनादिसैं स्वंगुलिं तहया सरकारं माःगु ग्वाहालि यायेमाःगु माग यानादीगु खः ।

बुद्ध शिक्षाया माध्यमं शान्ति स्थापना, करुणा, मैत्री न्यंकेगु लिसैं नैतिक व शीलसदाचार स्थापित यायेत ज्ञानमाला भजन महत्वपूर्ण तिबः बिउगु खँ नं वय्कलं कनादिल ।

देय्न्यंक न्यनाच्वंगु ज्ञानमाला भजन संघयात छपें यानाः संगठनात्मक माध्यमं ज्ञानमाला भजन क्षेत्रय् ज्या यानाच्वीपंत राज्यं मूल्यांकन यायेमाःगु



खँ नं वय्कलं धयादिल ।

अध्यक्ष श्रेष्ठया कथं देय्न्यंकं १३४ ज्ञानमाला भजन संघ दुगु व उकियात अप्वयेकाः १४४ थ्यंकेगु तयारी जुयाच्वंगु दु ।

ज्याइवलय् भिक्षु पञ्चारत्न बुद्धया ज्ञान, शिक्षा जनताय् न्यंकेत ज्ञानमाला भजन प्रभावकारी जूगु खँ कनादिल ।

ज्याइवलय् यै मनपाया पुलांम्ह मेयर विद्यासुन्दर शाक्यं ज्ञानमाला भजनया संस्थागत विकास, घोषित आज्जु पूर्वकेगु निरितिं राज्यया निकाय लिसे समन्वय व सहजीकरण यानाबीगु

बचं बियादिल । संघ, प्रदेश व स्थानीय तहलय् बजेट विनियोजित याकाः संस्थागत विकासयात प्रभावकारी दयेकेमाःगु खँ नं वय्कलं धयादिल ।

समितिया महासचिव इन्द्रमुनि शाक्यं थीथी संस्था व व्यक्तिं बीगु आर्थिक ग्वाहालिइ समितिं ज्या यानाच्वनागु खँ कनादिसैं थौंकन्हय् द्वलंदः मनूत थुगु अभियानय् स्वानाच्वंगु खँ धयादिल ।

समितिया कचा विस्तार व दुगु शाखायात सुदृढ यायेत बुद्ध शिक्षा, म्ये संगीत व प्रशासनिक ज्ञानया समन्वय जुइमाःगु खँ नं वय्कलं धयादिल ।

अन्तर्राष्ट्रिय बौद्ध भावना केन्द्रय् बाल शिविर



लहना वाःपौ/ मस्तयूत बुद्धया ज्ञानय् आधारित नैतिक व व्यावहारिक रुपय् म्वायेगु सीप सयेकेगु निरितिं यैया बुद्धनगरस्थित अन्तर्राष्ट्रिय बौद्ध भावना केन्द्रय् बाल शिविर सञ्चालन जूगु दु । विद्यार्थीपिं जाँच क्वचायेधुंकाया बिदायात सदुपयोग यायेगु कथं वंगु शुक्रवाः निसैं निक्वःखुसी बाल शिविर सञ्चालन याःगु खः । न्हय् न्हु तक न्ह्याइगु शिविरय् गौतम बुद्ध

मानव जीवन कल्याणया निरितिं बिउगु ३८ कथंया उन्नति जुइगु शिक्षा मंगल सुत्रय् आधारित नैतिक, व्यावहारिक व सामाजिक ज्ञान बी । उक्तथं हे कर्म व उकिया लिच्चः, बालमनोविज्ञान सशक्त यायेगु विषय ब्वंकी ।

अथे हे चित्तया एकाग्रता, मनोबल विकास व समस्या लिसे ल्वायेगु क्षमता अप्वयेकेगु, सासःयात स्वयेगु ध्यान विधिया अभ्यास व

मैत्री भावना ब्वलंकेगु व्यावहारिक अभ्यास स्यनेगु खँ केन्द्रया अध्यक्ष प्रत्येकरत्न ताम्रकारं कनादीगु दु । मस्तयूत बांलाःगु संस्कारया विकास व मोबाइलया लत त्वतकेगु उद्देश्यं थः मस्तयूत शिविर छ्वया हयेगु यानाच्वंगु खँ नं अध्यक्ष ताम्रकारं कनादीगु दु । उगु शिविर सछिम्ह मस्त ब्वति कयाच्वंगु दु । मस्त थःगु इच्छा कथं अल्पकालीन भिक्षु जुयाः लिसे साधारण रुपय् नं ब्वति काःगु दु ।

शिविर ई दुने मस्तयूत केन्द्र हे नयेगु व च्वनेगु व्यवस्था दु । शान्त व अनुशासित वातावरणया दथुइ मस्तयूत बांलाःगु संस्कारया स्यनेगु आज्जु कथं केन्द्र वंगु सुइदै न्ह्यवनिसे बालशिविर सञ्चालन याना वयाच्वंगु अध्यक्ष ताम्रकारं कनादिल ।

बीके सुनचाँदी पसलं त्याकल ताम्रकार फूटसल



लहना वाःपौ/न्याक्वःगु ताम्रकार फूटसल प्रतियोगिताया विजेता बि.के. सुनचाँदी पसलं खुक्वःगु संस्करणय् त्याकाः उपाधी रक्षा याःगु दु । फाइनलय् बि.के. सुनचाँदी ओरियन इलेक्ट्रीकलयात ट्राइबेकरय् २-१ गोलं बुक्कूगु खः । सेमिफाइनलय् बि.के. सुनचाँदी मिलन ज्वेलर्सयात २-० गोल बुक्कूगु खःसा ओरियनं तिच्छुंगल्ली स्टोरयात ट्राइबेकरय् ३-२ गोलं बुकाः फाइनलय् वंगु खः । कासाय् उत्कृष्ट खेलाडी बि.के. सुनचाँदीया आशिश ताम्रकार, उत्कृष्ट किपर बि.के. सुनचाँदीया हे शंकर ताम्रकार, प्रेसिडेन्सियल च्वाइस अवार्डय् ओरियनया सानिध्य चित्रकार त्याक्कूगु खः ।

अथे हे अण्डर १४ कासाय् ग्रेस वारियर्स ताम्रकार अष्ट्रेलिया टाइटनयात २-० गोलं बुक्कूगु दु । न्हापा लाःपिं व लिउ लाःपिं कासामीतयूत यलया संघीय सांसद लिसे पुलाम्ह

मन्त्री डा. तोसिमा कार्की, ताम्रकार समाजया नायः विनोद ताम्रकार, पुलाम्ह नायः रविन्द्रराज ताम्रकार, युवा तथा खेलकूद उपसमितिया संयोजक अनिश ताम्रकारपिसं मेडल, ट्रफी व सिरपाः बिउगु खः ।

कासाया माध्यमं समाजय् भाइचारा अभिवृद्धि यायेत व समाजय् सकारात्मक हिउपाः आज्जु कथं ताम्रकार समाज वंगु च्यादै न्ह्यवनिसे नियमित रुपय् ग्वसाः ग्वया वयाच्वंगु ताम्रकार फूटसल कासाया खुक्वःगु संस्करण वंगु चैत्र १६ गते शनिवाः निसैं २३ गते तक सानेपा स्थित फिल्ड फूटसल ग्राउण्डय् क्वचाःगु खः । यलया थीथी समाजया कासामि दुथ्याःगु कासाया निरितिं जुजु वेयर्स जर्सी बिउगु खः ।

विजेता तथा उपविजेता पुचःयात ट्रफी, मेडलया लिसे नगद पुरस्कार बिउगु खः ।

मेयर बालेनविरुद्ध ...

अथेजुयाः दुथ्याःपिं सकसित सरकारी सम्पत्ति दुरुपयोग याःगु व ज्याकूयात नोक्सानी यायगु ज्या याःगुलिं हद तकया सजाय जुइमाः ।’ उक्तथं हे यल महानगरपालिकां यै महानगरपालिकाय् सरुवा जूम्ह रामरतन साहायात खरिद इकाईया प्रमुख दयेकेत ठेकेदार तत्कालीन प्रमुख प्रशासकीय अधिकृत प्रदिप परियात घुस बिउगु खँ नं उजुरी याःपिसं धाःगु दु । घुस बापत दइगु गाडीया निरितिं हाकनं मूल्यांकनया नाटक यानाः १ करोड २५ लाख १८ हजार ९६८ तका क्षति याःगु खँ नं धयातःगु दु । उजुरी बिउपिसं मेयरया सचिवालयया भ्रष्ट कर्मचारीयात भ्रष्टाचार निवारण ऐन, २०५९ या दफा ९ व दफा ८ (क) कथया कसुरय् कारबाही यायेत माग यानातःगु दु । उक्तथं हे मूल्यांकन समितिइ च्वीपंत नं कानुनया दायराय् हयेत अखितयारया ध्यानाकर्षण याक्कूगु दु ।

नमुना कलेजया ...

मूल्यायात न्हू कथं व्याख्या जूगु दु । शोया न्ह्यब्वःगु थीथी डिजाइनं

स्वकूमिया नुगः त्याकेत ताः लाःगु दु । ज्याइवलय् डिजाइनरया कला व विचाः पक्षयात दुग्यंक न्ह्यब्वयेगु ज्या जूगु दु । युवा डिजाइनरतय्सं थःगु सांस्कृतिक महत्व व जीवन दृष्टिया परिकल्पनायात थःगु डिजाइनय् न्ह्यब्वयेत ताः लाःगु दु ।

नमूना कलेजया संस्थापक प्रिन्सिपल श्रीमती ज्ञानी शोभा तुलाधरया उपस्थितिइ जूगु ज्याइवलय् ३६ म्ह मोडलतय्सं न्ह्यब्वःगु खः । उक्त फेसन शोया मुक्कं ८८ जना विद्यार्थीतय्सं ज्याइवःया ग्वसाः ग्वयेगुया निसैं व्यवस्थापन याःगु खः । ज्याइवलय् कोरियोग्राफी व निर्देशन सञ्चारकर्मी लिसे फेसन कोरियोग्राफर रोजिन शाक्यं यानादीगु खः । ज्याइवलय् नमूना कलेजपाखे पिथंगु फेसन क्याटलग प्यंगूगु संस्करण नं विमोचन पूर्वाञ्चल विश्वविद्यालयया रजिष्ट्रार निलमणी पोखरेल, व्यवस्थापन संकायया डीन डा. सन्देशदास श्रेष्ठ, परीक्षा नियन्त्रक बलेन्दु हमाल व नमूना कलेजया संस्थापक प्रिन्सिपल ज्ञानी शोभा तुलाधरं मंकाः कथं यानादीगु खः ।

प्रचलित नेपाललिपिं पिहाँ वयाच्वंगु म्हसीका लय्पौ ब्वनादिसैं/ब्वंकादिसैं

महीना लय्पौ

MHASIKA Monthly | म्हसीका मासिक

व्यवसायीयात न्वचु कला प्रशिक्षण



लहना वा:पौ/ यलया सिलाई लिसे कपडा व्यवसायी लक्षित क्षमता अभिवृद्धि तालिम क्वचाल। व्यवसायीयात कथंहंक न्ववायेगु, औपचारिक ज्याइवः न्ह्याकेगु विधि व न्वचु कला सम्बन्धी प्यन्हुया तालिम बिउगु खः।

तालिम क्वचाःगु ज्याइवल्य न्ववायेगु इवल्य यल महानगरपालिका वडानं. ६ या वडाध्यक्ष रुपेन्द्रराज शाक्यं न्ववायेगु शैलीया विकास अनिवार्य जूगु खँ धासें धयादिल, 'न्ह्यागु हे पेशा व्यवसाय्य दुध्याःपनिगु व्यक्तित्व विकास यायेत न्ववायेगुलिं तिबः बी।

सीप दुपिसं व्यवसाय बांलाकेत नं पाय्छि कथं गाहाकी लिसे व्यवहार यायेमाः।'

उकथं हे यल कपडा तथा सिलाई व्यवसायी संघया अध्यक्ष प्रेम महर्जनं जिल्लाय सक्रिय जुयाच्चीपिं व्यवसायीया क्षमता अभिवृद्धि यायेत उद्घोषण लिसे आकर्षक ढंगं न्ववायेगुया नितिं तालिम बियागु खँ धयादिल। सीप सयां नं प्रगती याये मफयाच्चीपिं व्यवसायीयात तालिम ग्वाहालि याइगु बिचाः नं वय्कलं प्वकादिल। सञ्चारकर्मी केके मानन्धरं बिउगु तालिमय् कपडा तथा सिलाई व्यवसायपिसं ब्वति काःगु खः।

आईपीयुया दिगो विकास स्थायी समितिइ डा. अञ्जान शाक्य



लहना वा:पौ/ राष्ट्रियसभा दुजः डा. अञ्जान शाक्य अन्तर-व्यवस्थापिका संघ (आईपीयु) या दिगो विकास स्थायी समितिया एसिया-प्रशान्त क्षेत्रपाखे नेपाःया प्रतिनिधित्व यासे न्हापांखुसी विजयी जुयादीगु दु। उज्ज्वेकिस्तानया राजधानी ताश्केन्ट्य जूगु सम्मेलनय् शाक्यं नेपाःपाखे प्रतिनिधित्व यानादीगु खः।

शाक्य नापं माल्दिभ्स व इरानपाखे उम्मेदवारी ब्यूगु खः। सभामुख देवराज घिमिरे दिगो

विकासया क्षेत्रय् अनुभव दुम्ह शाक्यं अन्तर्राष्ट्रिय मञ्चय् नेपाः पाखे सशक्त भूमिका म्हिते फइ धासें आईपीयुया दिगो विकास स्थायी समितिइ दुगु ३६ देय्या सभामुखयात पौ च्वयाः शाक्ययात समर्थन यायेत इनाप यानादीगु खः। नेपालं थ्व हे न्हापांखुसी थुगु मञ्चय् थःगु उपस्थिति कयंगु खः। शाक्यं सकारात्मक कुतःया निति प्रधानमन्त्री, सभामुख, संसद सचिवालयया अन्तर्राष्ट्रिय महाशाखायात सुभाय् बियादीगु दु।

पानीका स्रोतको संरक्षण गरौं।

- वनसम्पदाको संरक्षण गरौं,
- खुला ठाउँमा वृक्षरोपण गरौं,
- इनार, कुवा, पोखरी, पानी पँधेरोजस्ता पानीका स्रोतको संरक्षण गरौं,
- भूमिगत पानीको दोहन नगरौं,
- पानीका स्रोतको संरक्षणवारे जनचेतना अभिवृद्धि गरौं,
- खोलानाला, पोखरी, ताल वरिपरि सफा र हराभरा राखौं।



नेपाल सरकार

विज्ञापन बोर्ड



NEW ZENITH ENGLISH MODEL SCHOOL

(A renowned & Preferable School For All)






**Pre-Registration Open For
CLASS L.K.G. TO SEVEN For Limited Seats**

FOR CONTACT:
Tamsipakha, Bhurungkhel, Kathmandu, Nepal
Tel. (977-1) 5349164, 5315428 (Off.) | Email: newzenithschool@gmail.com



छत्रपाटी निःशुल्क चिकित्सालय (अस्पताल)

"स्त्रीय शुलभ स्वास्थ्य सेवा सकसियां निति, असहायका निति जक निःशुल्क"

उपलब्ध सेवा

२४सी घण्टा सेवा

- इमरजेन्सी
- प्याथोलोजी
- एक्स रे
- ई सी जी
- औषधि पसल
- अन्तरंग सेवा

शल्यक्रिया

- मोतिबिन्दु
- स्तरस कन्सरी
- नाक बास पोटो सम्बन्धि
- हाडतोनी तथा नाक सम्बन्धि
- बिना विस्कार गिराव नरीको पन्दर सम्बन्धि

बहिरङ्ग सेवा

- मुटु रोग
- फेफ रोग
- युरोलोजी
- स्त्री रोग
- बाल रोग
- कवचनर रोग
- चर्म रोग
- आँखा रोग
- जनरल मेडिसिन
- चर्म तथा बीन रोग
- नाक कान पोटो रोग
- जनरल हेल्थ चेक अप
- नाइरोइड
- मधुमेह

मेमेसु सेवा

- टेसिङ
- इण्टोकोपी
- कोलोनीस्कोपी
- फिजियोथेरापी
- इन्ट्रानाउट्रु स्नर उपकर र इको
- युरोपेली स्नरको इन्स प्रोसेसनाला
- टि.एम.टि. हल्टर

**२४ घण्टा
इमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९